

懷德縣志

序

自古爲政之道欲悉民物之情爰重輶軒之採所以紀風俗察庶務大則名山巨川通都奧區小則一草一木一歌一思皆足以覘政教考得失葩經歷歷可考也懷德昔爲女真部落藁莽未闢蒙人資爲游牧有清道光元年始行開墾蓋借地以養民也同治五年始設分防經歷隸屬昌圖廳光緒三年改設縣治全境無山土沃風純鄉賢名宦代不乏人

宴春

於民國十七年

十二月奉檄來宰斯土迄今甫七閱月自顧才薄學淺於地方應興應革諸務賴邦人士指臂相助未至叢脞已云幸矣其間奉令督修縣志

宴春

下車伊始所見既狹所聞尤陋其事綦繁

其期更迫真有治懷德難而志懷德尤難之慨矣先是儲令倡修縣志議而未行即行解組繼則趙吳兩令奉令輯修均爲期不久相繼調轉雖發凡起例略具規模而搜集採訪迄未大備主纂趙孝廉晉臣乃任職未久即修文見召終始其事者惟孫君襄文一人而已際茲事期交迫之時不得不草草將事于是孫君襄文任纂修郭君兆麟任編輯都爲十六卷八十五目焚膏繼晷竟於最短期內克付梨棗雖不敢云纖細靡遺而已往掌故及人事變遷政治推移胥略述焉後之覽斯志者倘嗤爲採之不詳擇之不精宴春曷敢辭咎盡美盡善以俟來者可也是爲序

中華民國十八年六月

懷德縣縣長李宴春撰

中華書局十八年六月

國語雜誌社

懷德縣志序

古無所謂志也如禹貢即地理志也月令即歲時志也三禮中之冠昏喪記即禮俗志也二典中之命義和載玉衡即天文志也至於以潤月定四時後世之志律歷者祖焉訪箕子陳洪範後世之志五行者祖焉經也而志寓焉矣自邦國之志掌於小史至司馬氏創爲八書班氏標爲十志志也又史之一體也縣志不知所自昉縣志之存於四庫全書中者以宋朱長文之吳郡圖經續記周淙之乾道臨安志爲最古然則郡縣之志其盛於宋之世乎自是以後縣各有志陳陳相因其數不可紀計矣有以簡潔稱者康對山之志武功是也有以典雅稱者王湘綺

之志衡陽是也又有隨叙隨論多加按語見稱者陸稼書之志
靈壽是也標奇矜異各抒杼柚若千篇而一律究未免夫拘墟
總之以備掌故扶倫常有益民風吏治是爲貴耳章於戊辰冬
謬承邑侯李公延修縣志與邑紳趙公迺唐總司纂修未蒞事
而趙公遽歸道山幸賴科長郭君與邑人士分任職務相助爲
理凡爲總目十有六分目八十有五閱六月而稿脫自視膚淺
不文疵謬百出儼同急就之草未克就正於高明只堪覆瓿之
材甚希筆削於來者

民國十有八年六月邑人孫雲章識

序

我懷本蒙古游牧之區自清道光初始招墾光緒初始設治迄今五十餘年向無志書前此奉飭有鄉土志之刻然語焉不詳去夏省中彙集通志牒催至再縣長李公大章邀集紳耆商訂斯舉夫志昉自班書厥後省會有志郡縣有志而體例率不一致然皆有所依據而爲之者也華陽國志臨安志古今稱爲善本明康對山武功縣志尤謹嚴有法度懷邑初闢荒蕪於古蹟一門既無碑碣可考而經制文物風俗物產亦復與毗境等今李公爬羅疎剔與諸賢共泐成書亦足見搜採之勤而慕善之勇已今不遠數千里徵序於

鄙人

桑梓敬恭其何以謝不

敏哉爰綴數語附諸簡末

歲決己巳夏六月榮文祚序於都門

懷德縣志

凡例

一 懷德曩無志書祇有鄉土志一帙其體例又與志事不合茲編採入者甚多文獻足徵之意也

一 懷德地處邊陲開化殊晚人乏博學家鮮藏書志屬草創難倍他縣茲編總分目錄以瀋陽縣志爲粉本蓋瀋陽爲我省首善之區纂修諸公均屬當時碩彥鴻儒且其出版在民國紀元以後故不避雷同之嫌引爲取法之師

一 鄉土志係光緒三十三年邑侯姚公詩馨聘邑紳趙公聲遠榮公誼雲與

雲章

分類編輯者也茲編所採入者如建

置因革榮公之筆山脈河流兵事古蹟等目趙公之筆至於禮俗各目又本於孫公西山手纂之禮俗表也或用參考或用全文茲特標明示不敢掠人之美以爲己有

一 瀋陽縣志無兵事門鄉土志有之爰增此門以備掌故

一 自來志例無列諸生者昌圖縣志特列之創格也茲編因之不但標歲科二試爲科舉之初級且以結五百年來以八股掄才之局云

一 史體善惡備書志例則專書善不書惡是以志之人物非有彰明較著之事實不敢妄錄茲編所志者均係確有可憑秉公列入蓋採擇太嚴恐傷於刻善善從長古人所貴

也

一 懷德放荒始逾百年每問父老道光初元軼事則渺如大庭赫胥之世莫可究竟設治將六十年而職官姓氏竟有失傳者光緒三年設儒學竟不知於何年開始縣考經始入泮者已不能指爲某姓某氏矣斯所謂文獻不足故也史有缺文古今同慨茲編知則書不知則不敢附會以示存疑

一 縣志例有天文考昌圖縣志以科爾沁之地古與三韓接壤三韓之星野爲箕宿昌圖星野定爲箕宿懷懷亦宜屬之邑中研究星野之學者殊鮮故闕之以俟明於此者續

志焉

一 邑中鄉型耆舊綽有古風宣傳者多矣茲編不過數人採訪未周之故也列女亦然統俟異日續入

一 藝文凡有關本邑建置者一律採入雅俗不論焉

一 茲編區域統用警區蓋警察有保安地方之責也

一 鄉土志有政績門皆官於此有功德者也茲編列於人物標爲宦績位於鄉賢之上尊循良也

一 志中有圖有表古例也茲編因之以便閱者

懷德縣志纂修職員題名

總監修前知事趙亨萃

前知事吳甌

現任縣長李宴春

倡修前教育所長張玉城

教育會長馬景陽

前戶部郎中榮文祚

師中校長張玉琛

前警察所長樂鈞發

財政局長孫成名

電話局長 胡作綸

商務會長 劉榮

司法監督審判官

孫鼎銘

總

纂

趙晉臣

協

修

孫嶽金

高香濤

郭兆麟

張玉城

採

訪

遲憲章

懷德縣志

職員題名

王彥鳳
劉毓棠
錢國藩
王彥景
胡世忱
蘇煥章
王化遠
邢紹周
于漢清
李凡葛

八

新京福文盛印書局印

繪校

圖

員閱

邵鳴九
孫嘉栗
徐玉堂